

SAVEZ IZVIĐAČA BOSNE I HERCEGOVINE
SAVEZ IZVIĐAČA FEDERACIJE BOSNE I HERCEGOVINE
ODRED IZVIĐAČA „VISOKO“ VISOKO

ELABORAT



(ove godine u verziji: Noćnog Orjencionog Takmičenja)

O ODREDU

Na inicijativu grupe brđana, prijeratnih članova OI “Janko Balorda”(1956), koji je bio jedan od najsnažnijih odreda Bosne i Hercegovine i učestvovao na izviđačkim takmičenjima i akcijama širom bivše SFRJ, 2013. godine je započeta obnova odreda sa nazivom Odred izviđača “Visoko” Visoko.

Rad je počeo sa 30-ak mladih uzrasta od 8 do 20 godina, a kroz godine taj se broj povećavao. Od obnove odreda do danas proveden je niz izviđačkih aktivnosti: izleti, ljetovanja, zimovanja, smotre, manifestacije i takmičenja. Također važno je i spomenuti internacionalnu saradnju sa mnogobrojnim odredima, izviđačkim grupama i prijateljima organizacije širom svijeta.

U tekućoj godini smo omasovili broj naših članova kroz razne aktivnosti koji je sada dosegao brojnost preko 130 članova, te radimo kroz:

- 1 vrtičku skupinu (vrtić Visoko),
- 2 jata (Zlatne ribice i Vikinzi) i
- 4 voda (Thunder, Sonic, Futura i Nur) i
- klub brđana.

Neke od aktivnosti u 2024. godini na koje smo ponosni su:

- zimski kamp – Sportsko rekreativni centar Ajdinovići (100+ učesnika),
- učešće preko 70 izviđača našeg odreda na aktivnosti “Dani mimoze 2024” u Zelenici, Crna gora, organizator Odred izviđača “Orjen” Herceg Novi,
- tradicionalna aktivnost sa planinarima Visokog: “Pozdrav proljeću” – rejon Gorana (500+ učesnika),
- ljetni kamp – izviđački eko kamp Ušće, Trebinje (100+ učesnika),
- u saradnji sa Odred izviđača “Crni vrh” Tešanj organizacija i spovođenje Izviđačke Kadrovske Škole I i II stepena (Škola za vodnike i Škola za predvodnike jata) i
- volontiranje i suorganizacija aktivnosti “Zlatni krug 2024” (4000+ učesnika).

Više puta smo od strane Saveza izviđača Federacije Bosne i Hercegovine proglašavani Viteškim odredom.

Od reformacije Odreda bili smo učesnici u raznim lokalnim, regionalnim i internacionalnim aktivnostima. Naši izviđači su bili gosti, a i domaćini izviđačima iz drugih zemalja i kontinenata. Zbog toga želimo da na predstojećem “Skrivenom blagu” ugostimo i vas u što većem broju.

O NAŠEM GRADU

Visoko je grad u središnjem dijelu Bosne i Hercegovine, okružen rijekama Bosnom i Fojnicom, jedan od prvih sjedišta srednjovjekovne države, Bosanske Banovine. Samim time, ovaj grad obilježen brdima i dolinama veoma je važan za historiju, opću kulturu, arhitekturu i baštinu Bosne i Hercegovine.

Prvi bosanski kralj, Tvrtko I Kotromanić, krunisan je u Visokom, u naselju Mile. Kroz daljnji period, Visoko postaje osmanski gradić dolaskom Osmanlija 1463. godine i za njega se veže tadašnji guverner Bosne Ajas – paša.

Nama bliža prošlost kroz period Jugoslavije govori o Visokom kao najvećem izvozniku tekstila i kože.

Postoje mnoge historijski i obrazovno važne ustanove u Visokom, kao što su već spomenute Mile koje su bile kraljevsko stolno i saborno mjesto Velikog rusaga bosanskog.

Pored toga, Šerefudinova Bijela džamija, arhitektonski najvrijedniji objekat grada sagrađena 1980.godine, Tabačka džamija (Tabhanska) sagrađena u prvoj polovini 17.vijek, Franjevački samostan koji datira još od 1899.godine, te Crkva Svetog Prokopija sagrađena 1853.godine koja predstavlja hram Srpske pravoslavne crkve.

Ovaj grad je u posljednje vrijeme postao poznat i po piramidama, ponajviše piramidi Sunca na čijem se samom vrhu nalaze i ostaci stare srednjovjekovne tvrđave. Za piramidu se vezuju i tuneli Ravne koji su podzemnim tunelima povezani sa piramidom. Poznati su odavno širom svijeta kao tuneli gdje postoji jedna vrsta iscjeliteljske energije koja već duži period pomaže ljudima sa astmom, bronhitisom, vrtoglavicama, problemima sa vidom i sluhom itd.

Odmah pored tunela nalazi se i Park Ravne 2 koji je svoju popularnost stekao svojom ljepotom, mogućnosti relaksacije i odnedavno posjetama poznatog teniskog igrača Novaka Đokovića.

VRIJEME I MJESTO

Tradicionalno 6. izviđačko takmičenje "Skriveno Blago 2024" ove godine će se održati dana 19/20.10.2024. godine (subota i nedelja).

Svi učesnici trebaju doći 19.10. (subota) najkasnije do 18:30 h na plato ispred KC "Altindag" u Visokom.

KATEGORIJA TAKMIČARA I SASTAV EKIPE

Takmičenje će se održati u kategorijama:

- mlađi izviđača i planinki i
- izviđači i planinke

u skladu sa Statutom SIFBiH i aktom SIFBiH: IZVIĐAČKA TAKMIČENJA, broj 08-03/24 od dana 09.3.2024. godine (link: <https://sifbih.ba/dokumenti>).

Ukoliko starosna dob takmičara je viša od propisane, ekipa će biti sankcionisana sa -20% bodova od ukupnog broja bodova koje je osvojila.

Ekipa može biti sastavljena od 4 člana slobodnog tipa (4/0, 3/1 ili 2/2).

Broj ekipa iz nekog Odreda nije ograničen.

SMJEŠTA UČESNIKA

- Takmičari – u šatorima
- Pratioci ekipe – u šatorima

u skladu sa aktom SIFBiH: IZVIĐAČKA TAKMIČENJA, broj: 08-03/24 od dana 09.3.2024. godine.

KOMUNIKACIJA I PRAĆENJE KRETANJA EKIPE TOKOM TAKMIČENJA

PUTEM APLIKACIJE:

<https://play.google.com/store/apps/details?id=com.goosechaseadventures.goosechase&pli=1>

KONTAKT ZA DODATNE INFORMACIJE O TAKMIČENJU

Starješina odreda: Muhamed Šehić - 061 685 080

Načelnik odreda: Muhamed Telalagić – 061 183 482

Načelnik takmičenja: Ajna Kardaš - 060 33 49 359

Predsjednik takmičarske komisije: Emir Burić - 062 055-789

mail: oivisoko@gmail.com

VREMENSKI OKVIR TAKMIČENJA

Subota, 19.10.2024.

do 18:30 Dolazak ekipa
18:30 – 19:30 Prijava ekipa, bodovanje lične i kolektivne opreme
19:30 – 20:00 Priprema za otvaranje takmičenja
20:00 – 20:15 Svečano otvaranje takmičenja
20:15 – 05:00 Staza (večera za takmičare u toku staze)

Nedjelja, 20.10.2024.

09:00 Ustajanje
09:00 – 09:30 Jutarnja higijena i priprema za doručak
09:30 – 10:30 Doručak
10:30 – 11:30 Pakovanje opreme i spremanje za zatvaranje takmičenja
11:30 – 12:00 Uvid u radove
12:00 Svečano zatvaranje takmičenja i dodjela pehara i diploma

Organizator zadržava prava izmjene vremenskog okvira takmičenja, u slučaju nepredviđenih okolnosti.

PRIJAVA EKIPA

Rok za elektronsku prijavu ekipa je 12.10.2024. godine do 20:00 časova na mail odreda (oivisoko@gmail.com) sa narednim podacima u datoj tabeli:

Naziv odreda	xxx
Broj ekipa u kategoriji mlađi izviđača i planinki	xxx (npr. 2)
Broj ekipa u kategoriji izviđača i planinki	xxx (npr. 0)
Broj pratilaca iz odreda	xxx (npr. 3)
Potreba za posebnim režimom ishrane pojedinog/specifičnog učesnika radi zdravstvenih razloga	alergije...(npr.1 izviđač je alergičan na papriku)

Pisana prijava se predaje prilikom prijave ekipe/a, na propisanom obrascu, dolaskom u Visoko i prijavom ekipe na bodovanje kolektivne i lične opreme.

PRAVILA ZA UČESNIKE

Strogo je zabranjena upotreba opojnih sredstava tokom održavanja aktivnosti. Molimo vas da se, u izviđačkom duhu, pridržavate svih navedenih uputa propozicija takmičenja, ali i kontrolora na samom takmičenju.

Svako nedolično ponašanje biće kažnjeno sa oduzimanjem bodova ili eventualnom diskvalifikacijom.

Organizator zadržava prava izmjene propozicija, u slučaju nepredviđenih okolnosti.

NAGRADNI FOND

U skladu sa aktom SIFBiH: IZVIĐAČKA TAKMIČENJA, broj 08-03/24 od dana 09.3.2024. godine (<https://sifbih.ba/dokumenti>).

Dodatno: Posljednje plasirane ekipe u kategorijama osvajaju fenjer, da im osvijetli put za povratak kući.

PREDZADATAK

Odred: jedna (1) odredska marama + jedan (1) amblem odreda.

Amblem može biti amblem koji se prišiva na uniformu ili ručno izrađen amblem odreda izrađen na površini (stiropor ili platno ili drvena ploča ili ...) min. veličine 20x30 cm.

Ekipa: Uspomena na ekipu bi trebala sadržavati:

- Naziv odreda,
- Amblem odreda ili amblem/oznaku ekipe
- Naziv ekipe
- Podaci o članovima ekipe (ime, prezime, nadimak...).

Izgled, oblik, veličinu... uspomena ostavljamo na maštu i volju ekipe.

Predzadaci će biti izloženi u našim odredskim prostorijama.

Predzadaci se predaju prilikom registracije ekipe.

OBAVEZNA OPREMA

Lična oprema:

1. Izviđačka uniforma i marama (uniforma sa pripadajućim oznakama)
2. Izviđačka knjižica sa markicom članarine za 2024. godinu
3. Zdravstvena knjižica (uredno ovjerena)
4. Kišna kabanica ili nepropusna jakna
5. Ranac
6. Boca za vodu (0,5 ili 1 l)
7. Baterijska lampa
8. Noćna markacija takmičara (florescentni prsluk)
9. Pribor za jelo (tanjir duboki i plitki, čaša, kašika i vilica)

Kolektivna oprema:

1. Zastava odreda (1 po odredu)
2. Busola, metar ili pantljika i pribor za crtanje
3. pribor za Prvu pomoć
4. Signalne zastavice
5. oprema za boravak i noćenje ekipe: šator, podloga za spavanje i vreća za spavanje
6. Telefon sa pristupom mobilnom internetu u toku cijele staze.
7. šatorski krilo ili druga vrsta opreme za pakovanje kolektivne opreme i prebačaj na cilj takmičenja (gdje će se podići privremeni kamp)

Bodovanje će se izvršiti u skladu sa aktom SIFBiH: IZVIĐAČKA TAKMIČENJA, broj: 08-03/24 od dana 09.3.2024. godine.

LISTA ZADATAKA NA STAZI

u skladu sa aktom SIFBiH: IZVIĐAČKA TAKMIČENJA, broj: 08-03/24 od dana 09.3.2024. godine.

OBJAŠNJENJE ZADATAKA

u skladu sa aktom SIFBiH: IZVIĐAČKA TAKMIČENJA, broj: 08-03/24 od dana 09.3.2024. godine.

BODOVANJE ZADATAKA

u skladu sa aktom SIFBiH: IZVIĐAČKA TAKMIČENJA, broj: 08-03/24 od dana 09.3.2024. godine.

Radujemo se Vašem dolasku na „Skriveno blago 2024“ i očekujemo Vas!

IZVIĐAČKI POZDRAV!